



UNIVERSITÄTS-
BIBLIOTHEK
PADERBORN

**IOAN. PETRI || MAFFEI, || BERGOMATIS, || E SOCIETATE ||
IESV, || HISTORIARVM || INDICARVM || LIBRI XVI. ||
SELECTARVM, ITEM, EX || INDIA EPISTOLARVM || LIBRI
IV. ||**

Maffei, Giovanni Pietro

Coloniae Agrippinae, Anno M.D.XC.

VD16 M 105

Regis Cangoximanorum ad Lusitanum Indiae Prætozem.

[urn:nbn:de:hbz:466:1-64627](https://nbn-resolving.org/urn:nbn:de:hbz:466:1-64627)

fecisse: quam ille Christianæ philosophiæ partem, iam ante
 te sapienter à se tractatam, callet egregie. Huiusmodi pue-
 ri sunt (fratres mihi carissimi) quorum opera faceret amor
 ris diuini Deo aspirante Iaponiorum cordibus iniectum
 mihi speramus: atque ob id ipsum apud nos delectam eo-
 rum manuum Societatis nostræ præceptis atque institu-
 tis imbuimus. Interea Socios omnes nostros per Iesum
 Christum obtestor, ab eo precibus impetrent, ut mihi
 det in ipsius obsequio ac famulatu vitam ponere. ex Iapo-
 pone octauo Calend. Nouemb. M. DLXII.

REGIS CANGOXI-
 manorum ad Lusitanum In-
 dix Prætozem.

ANNO superiore cum duo ex Societa-
 te IESU meum in hoc regnum con-
 cionandi causa venissent; bellicis oc-
 cupationibus impeditus, quem & ego
 cupiebam & ipsi merebantur hono-
 rem, illis habere non potui. Eadem
 fuit causa, cur Lusitani ad Omangum
 ponum nauis delati, non modo perinde ac voluntas mea,
 & ipsorum dignitas postulabat, accepti non sint; sed et
 iam pro piratis habiti (quibus ora maritima per id tem-
 pus erat infesta) commisso prælio Alphonsum Vasæum
 non sine meo quidem dolore, è suorum numero ami-
 serunt. Tu si ad me litteras dederis, magno me decore
 ductum atque ornatum existimabo, atque ipse vicissim
 ad te scribam quotannis. Lusitani verò, vel sacer-
 dotes tui, si ad me cum tuis litteris venerint
 eo erunt apud me loco, qui rebus tuis
 iure debetur. Xaxuma anno
 quarto.